

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst (“Službene novine Zeničko-dobojskog kantona”, broj 7/10) na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 151. sjednici, održanoj dana 27.02.2014. godine, d o n o s i

ZAKLJUČAK

I.

Prihvata se Izvještaj o realizaciji Programa utroška sredstava od koncesija za 2013. godinu, Ministarstva za poljoprivredu, šumarstvo i vodoprivredu, kao obrađivača.

II.

Izvještaj iz tačke I sastavni je dio ovog zaključka.

III.

Zaključak stupa na snagu danom donošenja.

Broj: 02-_____/14.
Datum, 27.02.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**IZVJEŠTAJ O REALIZACIJI PROGRAMA UTROŠKA
SREDSTAVA OD KONCESIJA
ZA 2013. GODINU**

ZENICA, FEBRUAR 2014. GODINE

IZVJEŠTAJ
o realizaciji Programa utroška sredstava od koncesija za 2013. god

Programom rada Vlade Zeničko-dobojskog kantona za 2014. godinu u mjesecu februaru planirano je razmatranje Izvještaja o realizaciji Programa utroška sredstava od koncesija za 2013. godinu.

U skladu sa Budžetom Kantona za 2013. godinu („Službene novine Zeničko-dobojskog kantona“, broj: 19/12), kojim je u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 403, na poziciji «Namjenska sredstva za finansiranje projekata iz sredstava posebnih vodnih naknada», predviđen iznos od 6.000.000,00 KM (šestmiliona konvertibilnih maraka), Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo Program utroška sredstava vodnih naknada za 2013. godinu (u daljem tekstu: Program), koji je usvojen zaključkom Vlade Zeničko-dobojskog kantona, broj: 02-14-10715/13 od 25.04.2013. godine.

U skladu sa Budžetom Zeničko-dobojskog kantona za 2013. godinu („Službene novine Zeničko-dobojskog kantona“, broj: 19/12), kojim je u razdjelu 23, budžetska organizacija 01, potrošačka jedinica 0001, ekonomski kod 614100, Pozicija «Realizacija projekata Vlade koji se finansiraju iz prihoda od koncesija», predviđena su sredstva u iznosu od 75.000,00 KM (slovima: sedamdesetpethiljada konvertibilnih maraka), Ministarstvo za poljoprivredu, šumarstvo i vodoprivredu (u daljem tekstu: Ministarstvo) je izradilo Program utroška sredstava od koncesija za 2013. godinu (u daljem tekstu: Program), koji je donesen zaključkom Vlade Zeničko-dobojskog kantona, broj: 02-14-22554/13 od 25.10.2013. godine.

Programom je planirano inoviranje Studije hidroenergetskog iskorištenja sliva rijeke Gostović, od aprila 2002. godine i izrada koncesionog elaborata za dodjelu koncesija za izgradnju malih hidroelektrana u slivu rijeke Gostović, prema inoviranom rješenju.

S obzirom na kompleksnost i potrebu multidisciplinarnog pristupa, Ministarstvo za poljoprivredu, šumarstvo i vodoprivredu je Rješenjem broj: 05-25-18107-3/13 od 10.01.2014. godine imenovalo radni tim za izradu Projektnog zadatka, uključujući predstavnike JP „Elektroprivreda BiH“, Ministarstva za prostorno uređenje, promet i komunikacije i zaštitu okoline, Ministarstva za privredu i općine Zavidovići. Radni tim je definisao Projektni zadatak na sastanku održanom 21.01.2014. godine. Iz navedenog proizilazi da u 2013. godini nije proveden postupak javne nabavke za izradu Studije, odnosno nije bilo utroška sredstava planiranih Programom, tako da će navedena aktivnost biti planirana u Programu utroška sredstava od koncesija Ministarstva za poljoprivredu, šumarstvo i vodoprivredu za 2014. godinu.

Obradivač

Senada Dizdar

MINISTAR

Bojan Bošnjak